

Kalaallit Nunaanni Qitornavissiartaartnermik Aalajangiisartut suleriaasiat pillugu nalunaarut

Qitornavissiartaartnerq pillugu inatsisip allannguuteqartinneqarneranik inatsisit assigiinngitsut Kalaallit Nunaanni atuutilersinneqarnerat pillugu peqqussummi nr. 410, 21. april 2010-meersumi §§-it 27 aamma 29 kiisalu § 36 imm. 3 naapertorlugit aalajangersarneqarpoq:

§ 1. Qitornavissiartaartnermik Aalajangiisartut suleriaasiat pillugu nalunaarut nr. 920, 28. september 2009-meersoq Kalaallit Nunaanni atuuppoq, taamaattorli tak. imm. 2-4.

Imm. 2. § 1, imm. 2, oqaaseqatigiit aappaat pingajuallu, § 1, imm. 3, oqaaseqatigiit aappaat, § 2, nr. 3, litra a aamma kapitali 7 Kalaallit Nunaanni atuutinngillat.

Imm. 3. § 1, imm. 1-mi landsdommerimut imaluunniit højesteretsdommerimut taarsiullugu eqqartuussisoq allaqqalissaaq, qitornavissiartaartnermut siunnersuisooqatigiit aalajangigaannut taarsiullugu, § 2 nr. 1-mi, litra a-mi, qitornavissiartaartussat akuerineqarnissaanik aalajangernerit pillugit Naalagaaffiup Sinniisuata aalajangernera allaqqalissaaq, tak. § 29, imm. 3, qitornavissiartaartnerq pillugu inatsisip (qitornavissiartaartnermut peqqussut) allanngortinneqarnerani inatsisit assigiinngitsut Kalaallit Nunaannut atuutilersinneqarnerat pillugu peqqussut nr. 410, 21. april 2010-meersoq, aamma § 2, nr. 1, litra b-mi qitornavissiartaartnerq pillugu inatsimmi § 30, imm. 1-mut taarsiullugu, peqqussut § 36 imm. 1 allaqqalissaaq.

Imm. 4. § 2, nr. 2, litra a, §§ 22, 23 aamma 25, imm. 2 malillugu Qitornavissiartaartnermik Aalajangiisartut nakkutilliinerat il.il. pillugu aalajangersakkami, Naalagaaffiup Sinniisuata qitornavissiartaartartut akuerineqarnissaannik suliat pillugit Naalagaaffiup Sinniisuata suliarinninnera aamma ilanngunneqarpoq.

§ 2. Nalunaarut atuutilerpoq 1. maj 2010.

Inatsisinik atortitsineranut ministereqarfik, ulloq 28. april 2010

LARS BARFOD

/Lars Thøgersen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut